

百濟王之種、飛鳥戶等之後也、

〔續日本後紀^九〕承和七年八月己未、大和國人戶主從八位上大和宿禰吉繼、戶口掌侍從四位下大和宿禰館子等、賜姓朝臣、

〔續日本後紀^{十一}〕承和九年六月丙寅、甲斐目大初位上飯高宿禰濱永等男女廿七人、賜姓飯高朝臣、

〔續日本後紀^{十二}〕承和九年十二月癸酉、右京人參議從三位兼越中守勳六等朝野宿禰鹿取男女總十九人、改宿禰賜朝臣、

〔文德實錄^四〕仁壽二年十二月庚午、大外記外從五位下名草宿禰安成、賜姓滋野朝臣、

〔文德實錄^五〕仁壽三年十月戊辰、但馬守從四位上春澄宿禰善繩、賜姓朝臣、

〔三代實錄^三〕貞觀元年十二月廿二日癸卯、從四位上行攝津守滋野朝臣貞雄卒、○中父從五位上家譯、○中弘仁十四年、改宿禰賜朝臣、

〔伊呂波字類抄^志〕滋野

元檜原東人、○中男家譯、延曆年中、賜姓滋野宿禰、同弘仁○同字恐誤十四年正月、家譯賜朝臣戶、

〔三代實錄^六〕貞觀四年七月廿八日乙未、左京人從五位下行參河介壹志宿禰吉野、賜姓大春日朝

臣、天足彥國押人命之後也、

〔三代實錄^七〕貞觀五年八月九日己巳、右京人從五位下行皇太后宮大進御船宿禰彥主、從五位下

行助、兼備後權介御船宿禰佐世、內藏少屬正七位上御船宿禰氏柄、散位從七位上船連助道等男

女六人、賜姓菅野朝臣、

〔三代實錄^九〕貞觀六年八月十七日辛未、左京人太皇太后宮少屬正七位上百濟宿禰有世、賜姓御

春朝臣、有世其先、出自百濟國人比有也、

〔三代實錄^{十四}〕貞觀九年十一月廿日乙卯、二品式部卿忠氏親王家、令正六位上土師宿禰益雄、掃部